





A. XIII. 8

Nova-Tacina. Liter. -

937.
1





Henrici Nicolai

1. Oratio de Protervia quadam Philosophica.
2. Miscellanearum Exercitationum Decades III.
3. Gymnasium Ethicum.
4. Irenicum sive de differentiis Religionum conciliandi
Comentatio.

D. O. M. A.
Miscellaneorum
DECADIS III.
EXERCITATIO III.

Add. 27

De
VIRTUTE
MORALI IN GENERE

Practico-Philosophica.

*Pro disputationis exercitio ad sententiarum
collationem proposita*

In Gymnasio Gedanensi

PRÆSIDE

HENRICO NICOLAI

Phil: Professore Publico

Respondentis partes expediente

NICOLAO ARNOLDO

Lesnensi - Polono.

Ad diem 23. Septembris. S. N.

In Acroaterio Philosophico

Horis ab 7. matutinis.

GEDANI. Typographo GEORGIO RHETIO ex-
scripta, ANNO 1637.

THE

AMERICAN

REVIEW

OF

THE

ARTS

AND

SCIENCE

OF

THE

UNITED STATES

OF AMERICA

AND

THE

WEST INDIES

De Virtute & Vitiomorali in genere.

I.

Graci arētisūmo inter Europam Asiāq; divortio Byzantium in Extremā Europā condere volentes, Pythium Apollinem consuluerunt, ubi conderent urbem. Redditum Oraculum est: quærerent sedem cœcorum terris adversam. Eā ambage tūm Chalcedoni monstrati credebantur, quōd priores illuc advēcti, parūm prævīsā locorum utilitate, pejora legisser. Namq; Byzantium fertili solo fœcundoq; mari extructum. Quia vis piscium in Pontum erumpens, & obliquis subter undas satis exterrita, omisso alterius littoris flexu, hos ad portus ingente copiā deferatur. Vt habet Tacitus l. 12. ann. c. 13. Prudentem si super condendo moralis disciplina fine quis consulat, quā maximè ratione illum sectari liceat, haud ineptè responsum ferat: quærat medium cœcorum moribus adversum. Cœci autem immoderatis affectibus & perturbationibus subiecti intelligantur, quos a versus à bono imperius ad nefas proripiat, & in viriorum fœcundam suggrundam fœda ignorantie rabies præcipitet. Horum moribus adversum quarendum medium, quo salubriter in moralibus aliquid destines, & finem disciplina intendas. Virtus tale medium est, quæ prudenter caver, ne quid in actionibus nostris defiat, ne quid superftet. Sola illa beatum facit,

nullaq; aliâ quisquam viâ hoc nomen adipiscitur, ut loquitur Macrobius l. 1. in som: Scip. c. 8. Veteres mythologos id innuisse credam, cum formosarum mulierum procos, cursu, certamine, disco, alioque periculo nuptias ex ambire iusserunt: scilicet, ne res egregias ullo, quam per virtutem modo occupari posse indicarent, ignavia desidiaq; arumnas relinqui ostenderent; secundum verissimum Hesiodi versum in oper: & dieb: αἰεὶ δ' ἀμβολιεύγους ἀνὴρ ἄτασσι παλαίει. *Ærumnis tardus semper luctatur inersq;.* Jam humana virtutis actum exequamur, & in generalem medij moralis indolem, divisiones, causas, affectiones ac similia cum DEO inquiramus.

2. Generaliter virtus considerari possit quâ ea, quæ cuivis subjectæ sub virtute speciei communia sunt. Hac vel nominis vel rei sit discussio. Nominis I. in homonymiâ. Sumitur vox virtus I. generalissimè, pro omni perfectione rei ad statum rei convenientem pertinente. Quomodo vel potentiam in re notat, vel actum. Potentiam vel infinitam, quæ solius Dei est, sic supereminens magnitudo virtutis Dei in nos dicitur. Ephes. I. v. 19. virtus resurrectionis Christi. Phil. 3. v. 10. virtus DEI. I. Pet. I. v. 5. vel finitam, ut cum magneti virtus trahendi ferrum, Rhabarbaro virtus purgandibilem tribuitur. Sic virtutes cælorum, plantarum, mineralium &c. dicimus. 2. pro ipso effectu & operatione alicujus potentia, vel increata, ut Psal. 110. v. 3. Populus tuus in die virtutis tue i. e. victoria de hostibus reportata. Psal. 118. v. 16. Dextera Iehovæ edit virtutē i. e. strenua opera: vel creata. Sic opera Christi dicuntur virtutes. Matth. 7. v. 22. Marc. 6. v. 2. I. Cor. 12. v. 10. vel creata, sic Ruben prima virtus Iacobi dicitur. Gen. 49. v. 3. 3. pro dea alicujus nomine, quæ Romanis colebatur & per cujus templum ad templum honoris procedere necessum erat. Plaut. in Bacchid. a. 4. f. 8.

Ita me Iupiter, Spes, Opus, Virtus, Venus, &c. amens. 4. Ironice pro vitiis. Ter. in Adelp. a. 2. f. 1. *Si possiderem, ornatus esses ex tuis virtutibus.* 5. pro ope, & auxilio, Plaut. mili. a. 3. f. 1. *Deum virtute eundem hospitio accipiam.* 6. Pro merito & praestantia. Plaut. capt. a. 5. f. 3. *incedit huc ornatus haud ex suis virtutibus.* Mostell. a. 1. f. 3. *Virtute forma id evenit. i. e. merito & praestantia.* 7. Specialiter, quia homini soli tribuitur, & principium bonitatis in homine notat. Sic vel secundario sumitur, pro naturali inclinatione, & dispositione ad virtutem. Quomodo semina virtutis ex lumine naturali in rectis ingenis residua dicimus; Et Aristoteles 1. Polit. c. 2. *virtutem de potentia ad virtutem dicit: vel primario, pro habitu potentiae superaddito, faciles aetius suppeditante.* Sic sumitur vel synecdochice & Tropice, pro specie aliqua virtutis, fortitudine bellica, quam Graeci saepe *ἀρετήν* solitarie vocant, Caesar. l. 1. bel. Gal. c. 1. Helvetii reliquos Gallos virtute praecedunt, quod fere quotidianis praeliis cum Germanis contendunt: Vel proprie, pro virtute quacumque. Sic iterum vel generaliter, prout virtutem & infusam divinitus, & acquisitam humanitus notat. Quomodo spem, fidem, caritatem, pietatem, virtutes Theologicas dicimus: Prout & virtutem intellectualem comprehendit, ut intelligentiam, scientiam, sapientiam, &c. hac directe huc non pertinet, ut t. 17. patebit: & moralem, quae perficit voluntatem in actu morali, ut temperantia, iustitia &c. vel specialiter, prout virtutem moralem tantum notat, quae specialissimo sensu virtus dici solet. Et sic hoc loco maximam partem sumitur. 2. In Frymologia, quae Logica nulla, est enim vox virtutis ultimae abstracta, quae prioris significati aliquam non habet: Grammatica vel a subjecto excellentiori sumitur, ut a viro virtus dicitur, cum enim maxime virtus addebet. V.

Ciceron. 2. Tusc. qu. §. 43. Vnde & sapè pro præstantiâ militari & fortitudine animi sumitur, quæ in viris maximè eminet: vel ab effectu, quem subiecto conciliat, vigore ad præclara gerenda. Allusiva est vel à vi, quod vis quadam animi sit in arduorum aggressionè & adversorum toleratione. Vnde Boethius l. 4. d. cons. c. 7. virtutem dictam ait, quod suis viribus nitens non superetur adversis: vel à viri statu, aut artu, ut virtus quasi viri status aut viri artus dicatur, quia statum artusq; viri verè perficit ad honesta agenda, improba declinanda. 3. In Synonymiâ, quâ dicitur etiam habitus moralis, perfectio morum, mores honesti, Græcis ἀρετή, vel à voce ἀρε, quæ Martem notat, quomodo synecdochicè virtus interdum fortitudinem notat: vel ab efficiente, ab ἀρῶ, Dai, eligendo: quod sit habitus electivus: vel ab effectu, ab ἀρῶ, tollo, sublimo, quia hominum mentes in sublime attollit: vel ab adjuncto, ἐκείνου, amor, quia amabilis in se est, & hominè moratum amabilem aliis facit, ut ἀρετή quasi ἐπαρὴ dicatur: Hebræis חסד à חסד, quod in hithphaël benignum se exhibere notat: תם & מתם, à תם absolvi, perfici. Item מידה à מד, metiri, mensurare, quod actus ad medium velut mensuram componat. Germanis tugend/ à tügen/ quod malum valeat, tanquam insignis vis animi.

3. Hactenus quâ nomen virtus spectata: Quâ rem videbitur absolute & respectivè. Absolute in definitione, Causis, subiectis, objectis, divisione, & affectionibus.

4. Definitio sit: Virtus moralis est habitus voluntatis acquisitus electivus, mediocritatem in actibus secundum rectam rationem ex iudicio prudentis determinatam servare docens.

5. Ex genere dicitur habitus voluntatis acquisitus ele-

electivus. Habitus & generaliter, quia habetur à subjecto possidente: & specialiter, quia facit subjectum possidens certo modo se habere, & determinat facultatem ad bonum, quæ aliàs aut indeterminata est, aut ad malum prona: sicq; est qualitas firmè radicata, facilitans subjectum ad operandum honestum. In hoc enim specifica ratio habituum, qui in qualitate sunt, & dispositionibus contradistinguuntur, consistit, facilem reddere operationem in subjectis, ut alibi disputatur. V. Coron. Gym. Log. t. 9. 10. Esse autem hoc genus legitimum virtutis probari potest & remotivè & positivè. Remotivè, Quia non est potentia naturalis, nec affectus. E. habitus. Plura enim in animo, ut subjecto, non dantur. Quicquid enim in animo humano tanquam subjecto est, vel est potentia naturalis, ut vis cognoscendi, volendi, appetendi, vel affectus, ut amor, odium, lætitia, tristitia, &c. vel habitus, ut scientia, prudentia, ars &c. Quare dari nequit, ut inductione rerum facile constat. Non est potentia naturalis. 1. Quia potentie naturales sunt immutabiles in suis subjectis, & semper eodem modo procedunt, secundum illud: Retinet sua jura Natura. Sic vis rugiendi in leone, latrandi in cane, ratiocinandi & volendi in homine est immutabilis. Sed virtutes mutantur, illis enim modò assuescimus, modò desuescimus, ut leges docent, ex quibus aliter in agendo suescere interdum cogimur, ac aliàs soliti sumus; vel omittere cogimur, quod aliàs usitatum habuimus. 2. Potentiæ naturales congenerantur subjectis, & ab primo ortu originem ducunt. Sic potentiæ brutorum, hominum, plantarum. Sed virtutes non congenerantur nobis, sed usu & exercitio, interdum satis difficultè & tedioso, acquiruntur, ut experientiâ pater. Non nascimur temperantes, sed temperabiles. V. d. i. c. 22. Nec virtus est affectus. 1. quia omnis affectus, quâ talis, est indifferens ad bonum &

malum morale, ut amor, odium, ira, lætitia, tristitia, spes, metus, &c. Et vel bonus esse potest, si ad legitimum objectum ordinato modo & sine tendat, vel malus, si ad opposita. Sed virtus moralis ad bonum morale est determinata, & ab illâ præcisè boni & honesti denominatur. 2. Quia omnis affectus oritur à naturâ trahit, & congeneratur subjecto. Sed virtus moralis exercitio acquiritur, non naturâ congeneratur. 3. Affectus est motus sæpè sine proarresi & consilio excitatus, ut cum subito & præter spem ex perceptione objecti alicujus ingruit. Sed virtus cum electione & consilio in subjecto succedit. Positivè probatur, habitum legitimum genus virtutis esse è Canone Logicorum: Cui competit definitio, Ei & definitum. Sed virtuti competit definitio habitus, qualitas firmè radicalis, facilitans subjectum ad operandum. Hoc enim virtus facit in illo, in quo ex habitu radicatur, ut antea patuit. E. & definitum, habitus, legitimè illi, ut genus competit.

6. Dicitur porro, habitus voluntatis, qui nempe in voluntate proximè subjectatur, & voluntatis propria est perfectio. Ut excludantur partim habitus corporis ita dicti, quia corpus perficiunt, ut sanitas, pulchritudo, saltatoria, &c. partim animi quidem, sed intellectus, qui proximè intellectum, ut potentiam suam perficiunt, ut habitus intellectuales, ut sapientia, scientia, ars, prudentia, &c. Virtus proximè non intellectum perficit, sed voluntatem: namq; assuefacit ad actus moderatos, & ad prudentiam conformatos edendos. Habitus acquisitus, ut distingvatur partim ab infusis, qui extrinsecus per divinam operationem subjectis infunduntur, quomodo habitus linguarum Apostolis infundebantur, & pjs fides, spes, caritas Christiana divinitus infunduntur: ut virtus moralis habitus per actus proprios & frequentatos comparatus intelligatur. Tale enim principium propriè est morale: Cate-

ta principia non sunt moralia: sed vel naturalia, vel eminentia, vel violenta, adeoque etiam actum & habitum morale propriè dictum non faciunt. V. d. 2. t. 7. partim à connatis, qualis habitus fuisset imago Dei in statu integritatis, hodiè est peccatum originis in statu vitiositatis, quod tamen ut & omne vitium analogicè habitus dicitur, non rigidè. V. t. 20. Item habitus notitiarum naturalium homini connatus, quem habitum quidam censent esse. V. D. Meisner. l. 3. de leg. c. 1. Habitus electivus sive proæreticus, qui ex proposito iudicio & consilio proficiscitur, adeoque in potestate nostrà est, ut eum comparemus aut omittamus. Quid electio sit, ex d. 2. t. 10. patebit. Dicitur virtus habitus electivus, & ratione originis, quia ex actibus spontè electis & usurpatis oritur habitus moralis: & ratione subjecti, quia in facultate appetitivà eligente subjectatur, ut voluntate, cuius propria & immediata operatio est electio voluntaria, & quæ imperat cæteris facultatibus liberè hanc vel illam operationem virtuosam: ut distingvatur ab habitu intellectuali, qui in facultate cognoscente radicatur: & ratione modi agendi, quia liberè & ex consilio agit virtus, & constanter: non casu, temerè, leviter, semel, obiter. &c. Unde distingvi solet inter iusta agere & iustè agere, & actiones virtuosas non nominibus, sed adverbys æstimandas esse dici solet. V. d. 2. t. 14. Iusta agit, qui conformia ad rectam rationem agit, licet vel semel, vel casu & temerè, vel ignoranter, vel alterius impulsu agat. Sic Cambyses injustum iudicem excorians iustum quidegit. Iustè agit, qui & constanter, & destinato consilio, & ex præsupposito habitu illa agit. Eodem modo inter mala agere, & malè agere distingvi potest, cum & vitium morale sit habitus voluntatis acquisitus electivus: Et oppositorum eadem in generali ratione sit ratio. Unde, si quis temerè, aut ignoranter, aut semel mala agit, non dicitur

citur rigide moraliter malus, quia non consilio, constanter, scienter, volenter, ea agit. Quidam virtutes à naturâ & temperamento esse dixerunt, ut Galenus, V. d. 2. t. 12. Alii scientias & prudentias eas dixerunt, & neminem nisi ignorantem peccare putârunt, ut Socrates ap Aristot. 6. Nicom. c. 13. & 1. Eudem. c. 5. De quo c. 1. t. 17. Alij inter Veteres animâ & animalia illas dixerunt, de quibus Senecam videas ep. 113. Quidam per propositum definiunt. Sculret. l. 1. Eth. c. 3. Sed propositum magis actus est, virtus a. habitus: magis ad rationem pertinet, virtus ad voluntatem: & magis efficiens virtutis est constans propositum rectè vivendi, quàm genus. Conf. Timpler. l. 1. Eth. c. 2. q. 5. Quidam per bonum usum affectuum, ut Lactantius l. 6. inst. c. 16. Alij aliter definiunt, de quo D. Meisnerus d. sum. bo. coron. q. 5. & Dancæus l. 1. Eth. Chr. c. 20. videri possunt. Omnia falso, ut per discursum ulterius dici poterit.

7. Ita genus Virtutis fuit. Ex differentiâ dicitur, mediocritatem in actibus secundum rectam rationem ex iudicio prudentis determinatam servare docens. Hoc partim à forma virtutis, partim à normâ & dirigente sumitur. Forma consistit in mediocritate servandâ. Mediocritas ut intelligatur, quid sit, observetur de eâ nomen, definitio, probatio, quod rectè virtutis forma dicatur, & variatio, quotuplex esse possit. Nomen mediocritatis à mediocri & medio est, quod interdum notat requisitum aliquod ad finem obtinendum conducens, quomodo virtus medium felicitatis civilis est: interdum aliquid inter extrema mediè se habens, Vt hic sumitur. Ita medium vel est participationis, quod de utroq; extremo participat, ex eoq; exurgit, ut tepor ex calore & frigore, viror ex albo & opaco: Tale medium virtus non est, non enim ex extremis, virtijs, componitur, esset n. mon-

monstrosa virtus, quæ ex vitijs componeretur: Vel negationis
 & recessus, quod de extremis recedit, & nihil de illis partici-
 pat. Hoc medium vel est rei & aquidistantia, cum medium
 aequaliter semper distat ab extremis, ut 9. inter 6. & 12. aqua-
 liter distat: Centrum circuli ab omnibus circumferentijs aequè
 distat: dicitur etiam proportio Arithmetica: Tale medium
 virtutis per se & necessariò esse nequit, nam & vitia ita di-
 stare possunt sic 9. aurei aequè medijs sunt inter 6. & 12. Si pau-
 per eos singulis septimanis erogat, prodigus, si Rex, sordidus
 habebitur: Et quadam virtus non semper aequè, sed interdum
 magis aut minus ab extremis distat. Sic magnificèntia circa
 magnos sumptus versatur, adeoq; in re minus distat à prodiga-
 litate, ac parsimonia. Sic liberalitas vicinior est prodigalita-
 ti, quàm avaritia: magnanimitas superbia, quàm pusillani-
 mitati. Interdum aliqua virtus aequaliter distat ab extremis, ut
 iustitia commutativa: sed per accidens id fit, quatenus medium
 rei cum rationis medio hic consentit: vel est medium rationis
 interpositionis, persona, & prudentia, cum medium distat se-
 cundum proportionem rationis, omnes circumstantias atten-
 dentis, & prudenter actum dirigentis. Dicitur vulgò propor-
 tio Geometrica: Vt cum habità ratione laborantium duci 400.
 aurei attribuuntur: Capiteo 200. militi 100. servatur hic
 medium rationis & proportionis Geometrica, & respicitur re-
 rum similitudo pro circumstantiarum varietate, & omnibus
 ceteris paribus. Sic 1. ad 4. & 6. ad 24. proportionaliter se ha-
 bent: nam ut 1. quater continetur in 4. sic 6. in 24. Ex hac pro-
 portione dividitur prada inter milites, ut gregarius miles, qui
 se ad ducem habet, ut 1. ad 4. ad Capiteum ut 1. ad 2. nan-
 ciscatur 100. aureos, Capiteus 200. Dux 400. & ita conse-
 quenter. Hoc medium virtutis est, ut 1. 8. patebit.

8. Definitio hujus mediocritatis esse potest, quòd sit

mediocritas moralis, circumstantiarum & omnium requisitorum conditionem attendens, ut observatis illis nihil necessarii in actu desit, nihil superflui abundet. Dicitur moralis, ut distingvatur à naturali, quomodo cor medium animalis, medulla medium arboris, meridies medium cardo cæli dicitur: & artificiali, quomodo centrum medium circuli dicitur. Circumstantiæ sunt externa actuum moralium adjacentia, bonos aut malos, magis minusve tales, facientia. De illis V. d. 2. t. 14. Piccolomineus gr. 2. c. 12. decem illarum numerat. Ut agens principale vel instrumentale, subiectum recipiens actionem, finis & intentio agentis, modus actionis & medium, effectus, & id quod agitur, Locus, Tempus & inchoationis & continuationis, & similia. Probatio huius mediij, quod in tali medio prudentiæ reverà consistat virtutis forma, variè expediri potest. Medium esse virtutem patet.

1. Ab opposito virtutis. Oppositum virtutis, excessus aut defectus, qui in omni vitio reperitur, est extremum quid à recta ratione devians, & turpitudinem involvens. E. virtus oppositè se habet, & sicerit medium, recta rationi conveniens, & honestatem adjunctam habens.

2. A simili. Actio virtuosa in medio consistit, & ex eo bonitatem suam habet. Bonitas enim ejus est conformitas ad regulam rationis, qua conformitas medium inter excessum & defectum respicit. Quale medium ipsa scriptura innuit. Deut. 5. v. 32. Prov. 4. v. 27. Esai. 30. v. 21. Rom. 12. v. 3. E. & habitus virtuosus in medio consistit, qui est ipsa virtus. Vterque enim bonus & honestus est.

3. Ab exemplo omnium virtutum in specie. Omnis species virtutis servat medium actus inter extrema sua, ut fortitudo, liberalitas, urbanitas, veracitas, temperantia, justitia, &c. E. & ipsa virtus in genere servat medium.

4. A testimonio Philosophorum, ut Aristotelis, 2. Nicom. c. 6. & 1. mag.

mag. mor. c. 4. *Plutarchi* l. d. virt. morali. *Accedit ex poë-*
tis Horatius l. i. ep. 18. *Virtus est medium, vitiorum & utrin-*
què reductum. Et l. i. sat. 1. *Est inter Tanaim quiddam socu-*
rumq; Viseli, Est modus in rebus sunt certi deniq; fines, &c.
Similia. 2. od. 10. vide. *Alius ap. Alsted. in Ech. c. 3. §. 2.*
Virtus est medium, medio tutissimus ibis: Occupat extremum
scabies, extrema relinque. Huc referunt quidam proverbium:
Dimidium plus toto. Vbi per totum intelligitur vitium, quod
 culpabile: per dimidium, medium, ut virtus, quæ laudabilis. V.
 Alsted. c. 1. Poetæ idem fabulâ Phaëtonis adumbrârunt, Cui
 Phæbus medium commendat ap. Ovidium 2. Metam. *Alius*
egressus cælestia signa cremâbis, Inferius terras, medio tutis-
simus ibis. Sic *Dædalus* Ican mediam viam in prætervolan-
 do mari præscripsit, per quod virtutem notavit. V. *Baco-*
num d. sap. Vet. c. 27. *Medium rationis & prudentia eam*
esse pates. 1. Quia non semper quæ distat à vitijs, sed ab uno
 spinus interdum, quàm ab alien. V. t. 7. 2. Quia servat ra-
 tionem circumstantiarum, ad quorum conditionem actionem
 componit. Sic cibus cæteris nimius, & à quo voraces & in-
 temperantes dicti essent, *Herculi, Miloni Crotoniata, Theage-*
ni, aut athleta alicui minimus esse potuit ob temperamenti na-
 turalis validitatem, ut ab illo non voraces, sed temperantes hi
 dicti fuerint. 3. Quia multas rationes respicit in medio ser-
 vando, vel extrema, excessum & defectum, ut inter illa me-
 dium statuatur: vel affectus & perturbaciones, ut illas ad me-
 diocritatem redigat: vel circumstantias, ut illarum ratione
 decursum servet: vel proportionis competentiam, ut sic facien-
 dum eligat, ut in iustitiâ distributivâ. v. t. 7.

9. In oppositum tamen sentitur à diversis, sed di-
 versimodè. 1. Quidam privationem extremorum pro formâ
 virtutis supponunt, ap. D. *Mosin.* Coron. de sum. bo. q. 4.

Sed privatio est negativum quid, virtutis esse est positivum. Privativum autem nequitiesse forma positivi. Nec in virtute vera est privatio, sed apparens tantum. V. D. Meissn. c. 1. 2. Alii in totum negant, virtutis formam in medio consistere, sed æquè extremam perfectionem illam esse contendunt, sicut vitium sit extrema imperfectio: Et omninò medium accidentaliter se ad virtutem habere. Ita Valla l. 1. dial. c. 10. Vallesius d. sac. Philos. c. 75. Grotius prolegom. d. jure pa. & bel. Tempellus ap. Velsenium dec. 3. qu. Eth. q. 4. Scultetus l. 1. Eth. c. 3. Lactantius l. 6. instic. c. 16. Vives l. 6. d. caus. corr. artium. Vbi meritiò à Vallà reprehensum esse Aristotelem in mediocritate virtutis esse docet, aliq. Ac habent hic quadam, quæ obducant, quæ, ne velut plaustro oppositionum terreant, ex parte st. Etim libemus. Dices 1. Nulla negatio potest esse forma positivi habitus. Mediocritas est negatio excessus vel defectus. Ergò nequit esse forma virtutis. R. nulla negatio mera, vera, & pura potest esse forma, benè apparens, & non mera. Medioritas est negatio ratione extremorum: Sed ratione proprii formalis est perfectio inter extrema consistens, rationi rectæ, velut mensuræ, exactissimè respondens. Ita est perfecta positio completionis alicujus, non mera negatio. Sic in Adamo integro fuerunt virtutes, mediocritates quadam ad congruentiam rectæ rationis formata, esse extrema in illo, & sic negationes, locum non habuerint. In vitâ aternâ manebunt virtutes, mediocritates rectæ rationi conformes, etsi extrema non erunt, quorum negationes sint. Quædam negativè enuntiantur voce & sono, reverà sunt affirmativa & positiva significato & sensu, ut infinitum, irrationale, independens, indifferens pro libero, incorporeum pro Spiritu &c. Sic & medium negativum esse dicitur, ut tamen veram perfectionem positivam involvat. Et interdum negata me-

ea melius rem declarant, quàm affirmata nuda, quæ sub nega-
 ris interdum delitescunt, ut unitatis definitio docet. V. Scalig.
 ex. 65. f. 5. 2. Virtus ex sui naturâ potius est excellens &
 summum quid, non medium, unde Pythagora æquans & ex-
 tremas dicta: & quò eminentior & excelsior est, eò lauda-
 bilior. Sic virtus heroica, divina, magnanimitas, magnifi-
 centia, &c. E. nequæ forma ejus poni in medio. R. Virtus pot-
 est esse excellens ratione objecti, gradus, & adjuncta bonitatis,
 honestatis ac perfectionis; ita rectè extremas dicta: ut ta-
 men non sit excedens, sed media, ratione servata proportionis.
 Quà cavet ne quid in actu ejus desit, ne quid excedat. Est ex-
 tremum ratione bonitatis, quâ malitia opponitur extremè, ad
 eamq; extremè se habet: medium ratione formalis rationis,
 quia inter extrema medio loco incedit, nec flectendo, nec de-
 flectendo. Sic magnanimitas est extremum ratione objecti &
 magnitudinis: medium ratione modi agendi à rectâ ratione
 præscripti. 3. Virtus non componitur ex vitijs, ut extremis,
 aliàs & ipsa vitiosa, & sic monstrum foret. E. malè medium
 vitiorum dicitur. R. Virtus est medium in compositionis, sed
 negationis, ab utroq; recedens, non de utroq; participans aut
 conveniens, v. t. 7. Vitiorumq; & utriusq; ductum, canis
 Horatius, v. t. 8.

10. 4. Artis summa laus est, si ad summum castigium
 & perfectionem opus deducat, non in medio subsistat. ad vir-
 tus imitatur artem, ut ratione suâ ostendit Aristot. Nic-
 com. c. 6. E. & virtutis summus apex in summo quarena-
 non medio. R. Ut ars est summum ratione perfectionis & præ-
 stantia, ut tamen servet medium ratione conformitatis ad
 præcepta, & lineamentorum ducturam: Sic virtus est sum-
 mum ratione bonitatis & præstantia, ut tamen servet me-
 dium ratione conformitatis ad rectam rationem omnes cir-

cumstantias probè ponderantem. 5. Nulla virtus ideo virtus est, quòd in medio consistat, sed quòd eo modo in medio consistat, quo ejus norma præscribit. Ita mediocritas potius locum subjecta materia, quàm forma habet, & forma potius in conformitate ad normam consistit. R. Ideò virtus non absolute dicitur ex differentià medium servare, sed medium secundum rectam rationem servare. v. t. 7. 8. ubi recta ratio est norma & dirigens forma virtutis, non præcisè ipsa forma, ut th. 14. dicitur. 6. Quaedam virtutes modum non servant, sed habent modum sine modo, & laudantur tamen. Sic amor Dei laudatur, quòd sit maximè ardens, non, quòd sit nimius. Nec superstitio peccat, quòd nimium colat Deum, sed quòd perver-
 se. Alia non habent duo vitia, quibus opponantur. Inter illa medium errent, sed unum tantum, ut iusti in iustitiam. Sic iram Dei, dedecus, infamiam metuere. Mare Deum, habent defectum tantum, nullum excessum. Nec enim excessivè ira Dei & infamia metui possunt, a. Deus amari. Sic virginitas est evulsio concupiscentiæ, non moderatio: & defectum habet, non excessum. Liberalitas in communicandis officiis & amicitia modum in servat. Veracitas defectum habet, non excessum. Nec nimium veris esse possumus. Quaedam vitia ad medium redigi nequeunt, ut odium, petulantia, livor, superbia. Quorum ratione virtus non potest dici medium. R. Enim verè multa non sunt virtutes morales, sed vel affectus ethici, ut amor Dei, metus ira Dei: vel physici, ut metus in mirum, si in illis medium urgeri non debeat. Quaedam re & sensu habent duo vitia, etsi sono non semper sint usitata. Sic iustitia nimiam rigiditatem & nimiam impunitatem, ut extrema sua, cavet. Amor Dei inter excessum, qui superstitio, qua nimium colit ratione modi & qualitatis, non numeri & quantitatis. Nimium a. tam in qualitate quàm quantitate in vitio

vitio esse potest: Sic incivilis est, qui nimis ferventer vorat, etsi non multa absumat: & defectum, qui impietas, est medius. Virginitas inter libidinem & ἀναισθησίαν sive insensualitatem & stupiditatem: debet enim motus inhibere, non eradicare. Sic iram Dei, infamiam metuere, potest nimio modo fieri, & sic & excessum & defectum habet, etsi excessus speciali nomine non appelletur. Liberalitas servat modum rationis, attendens, quid, quantum, & quale officium cuiq; dandum, ne quibusvis, etiam indignis, detur quidvis. Veracitatis excessus est mendacium augendo propositum, cum augetur plus, quam verum: defectus minuendo, cum minus, quam verum, profertur. Omnia ista μεσότης sunt, etsi non ἀρετῆς. Conf. th. 22. Medium est virtus, quia affectus moderari & ad medium revocare debet: vel etiam in circumstantiis, affectibus, similitudine proportionum modum observare, etsi precise utrumq; oppositorum nominari non detur. v. t. 7. Virtus non redigit vitia ad medium, hoc enim impossibile, cum vitium semper extremum sit: Sed servat medium inter vitia, tanquam extrema. Sic inter superbiam & nimiam abjectionem, odium & nimis vagum amorem, mediè incedit. Affectus propriè ad medium revocat: inter vitia medium servat. 7. Si virtutis forma mediocritas, ergò virtus orietur ex medio. Forma enim dat esse rei. At oritur ex crebris actionibus. t. 15. Ergò non medium est ejus forma. R. forma dat esse, sed informaliter, non efficienter. Et sic formaliter habet esse virtus à medio affectus & extremorum. i. e. formaliter in habitu tale medium servante consistit: Actiones dant esse, sed ut efficientes proxima. Ex his ortum ducit virtus: in medio formaliter consistit. 8. Nulla disciplina debet in mediocritate consistere, sed ad summum perfectionis gradum tendere. E. nec in Ethicis virtus ut mediocritas proponenda. R. Non debet in mediocritate

tate consistere sc. velut in ultimâ perfectione & fastigio: bene
tamen, ut in essentiâ cujusdam rei, ne illa excedat à legibus
artis. Et sic virtus in Ethicis docetur esse medium. 9. Si vir-
tus est medium affectuum, E. affectus erit ejus genus, medium
enim cum extremis est ejusdem generis. At est habitus, non af-
fectus. R. Medium participationis est ejusdem generis cum
extremis: non negationis & recessus, quale virtus est. c. 7.
Correctionis ac revocationis, quomodo omnis norma corrigit
errata, habitus potentias, Nec necessario sub eodem cum illis ge-
nere proximo. De genere remoto concedi potest. Sic virtus est
qualitas. Affectus etiam sunt qualitates. Sed proximis gene-
rib. differunt. Virtutes sunt habitus, affectus passionis. 10.
Medium virtutis formam dicere diversas virtutes in unum
confundere facit, ut liberalitatem & parsimoniam, quod fecit
Aristot. 4. Nicom: c. 2. & veritati non e. æquo respondentia
assignat, ut jactantiam & dissimulationem, quod idem fecit c.
1. c. 13. & quædam pro vitio habet, quæ vitia non sunt, ut volu-
ptates & honorem contemneret, irâ contra homines prorsus
carere, ut idem agit c. 1. c. 11. & 1. 2. Eudem: c. 3. Ergo malè
in eo forma virtutis collocatur. R. Nihil horum ex mediocri-
tate virtutis, ut sic oritur, quicquid sit de mente Aristotelis.
Parsimonia vel id liberalitatem, ut cognatum ejus pertinet,
quorsum quid in referunt: nam ut liberalis in sumptibus ero-
gandis veretur: ita parcus in custodiendis, sufficiens in appe-
tendis & acquirendis: Vnde liberalis officium erit & modera-
tè appetere, & prudenter servare, & mediocriter erogare opes:
Vnde si peculiaris virtus est, negatur, confundi ex medio cum li-
beralitate. Nam liberalis in erogando sumptu medium ser-
vat, parcus in accipiendis & custodiendis. Jactantia & injusta
dissimulatio æquè veritatem oppugnant: sed illa per excessum,
plus quàm verum est, dicendo: hæc per defectum, & minus
quàm

quàm verum, ostendendo. Voluptates & honores inderet re-
spuere, ubi recta ratio accipiendas diceret, omnino vitiosum:
& non irasci, ubi, ob qua, quando, in quos, quomodo, deceret,
profecto stolidi & insensati esse videatur, rectè Aristoteles 4.
Nicom: c. 11. Plura in discursu solvenda.

II. 3. Alii mediocritatem in virtute agnoscunt, sed ne-
gant esse formam, sed proprietatem formam consequentem di-
cunt. Formam esse ἡ δὲ φύσις & ἐνοικία, non μεσότης: re-
ctitudinem rationis legi consentaneam, honestatem & boni-
tatem, non mediocritatem inter extremorum deformitatem,
qua ex rectitudine ut proprietas consequatur. Ita ex antiquio-
ribus Scotus in 1 sent. d. 17. q. 2. Ex Neotericis D. Meisne-
rus p. 1. P. S. f. 2. c. 2. q. 2. & in coron. d. sum. bon. q. 4.
& 5. Chri. Mattnias l. 3. Eth. p. 3. ex. 1. Scultetus l. 1. Eth.
c. 3. Scaliger ex 307. f. 3. Quidam sententiam hanc no-
vam ajunt, ut Reinbothus dis. 4. d. præd. person: t. 57.
Sed ex Scoto apparet, jam tum ei simile quid sensum esse. Qui-
dam id ita explicari, ut per rectitudinem intelligant confor-
mitatem ad rectam rationem, in quâ forma virtutis posita sit.
Vt Amesius l. 2. med. Theol. c. 2. §. 35. 36. 37. Vel congru-
entiam vite ad legem, Vt Scultetus c. 1. Alii tamen id ne-
gant, ut D. Meisner. c. 1. d. su. bo. q. 4. Quòd omnis congru-
entia & conformitas formaliter sumpta sit relatio, notet enim
commensurationem inter normam & normatum, mensuram
& mensuratum: Virtutis a. esse sit absolutum: relativum au-
tem nequeat esse forma entis absoluti, quia predicamentis dif-
ferrent constituens & constitutum. Et conformitas, ut relati-
vum, prærequirat mediocritatem, ut absolutum, à quâ depen-
deat, & id quam respiciat. Quòd autem ἡ δὲ φύσις forma vir-
tutis sit, non μεσότης, probant. 1. Quia forma, ut principium,
prior sit formato, ut principiato. Mediocritas autem virtutem

naturâ non precedat, sed sequatur, non enim ideò virtus est, quia medium servat, sed quia virtus est, ideò medium tenet. 2. Quòd medium non sufficienter explanet esse virtutis, cum tantum recessum ab extremis dicat. Sed ultra queri, quare omnis habitus in medio sit virtus? Et responderi, Quia internam rectitudinem habeat, quam conformitas cum lege & rectâ ratione declaret. In hoc ut ultimo sisti intellectum. 3. Quòd mediocritas aut formaliter sit extremorum negatio: aut si ens sit, relativum, non absolutum sit. Neutrum a. possit esse forma virtutis, qua ens positivum & absolutum est. 4. Quòd virtutes Christiana primò bona sint, non quòd in medio, sed quòd rectitudinem legi divina consentientem habeant. Idem de virtutibus Ethicis sentiendum, cum sint similes. 5. Quòd oppositi virtutis, vitii, forma non sit extremitas, nec per hanc satis natura vitii cognoscatur, sed ἀνομιᾶ, 1. Joh: 3. pravitatis legi dissentiens. E. ex opposito virtutis forma sit ἐνομιᾶ, vel bonitas legi consentiens, cum oppositorum opposita sine attributa. 6. Quòd mediocritas directè de virtute enuntietur, forma a. indirectè de formato dicatur. Vt homo est rationalis, non rationalitas.

12. Circa hanc sententiam nota 1. In duobus hic est cum priore consensus. 1. Quòd omnis virtus medium observet inter vitia velut extrema, & sic verè mediocritatem quandam habeat. 2. Quòd etiam rectitudinem & honestatem habeat, ut vitium malignitatem & turpitudinem. Unde per omnes virtutis secundum rectam rationem se habet, id est, rectitudinem quandam rationis requirit, 6. Nicom. c. 1. & 5. Id tantum quaeritur, an mediocritas potius se ut forma in virtute habeat, an rectitudo rationis? Sic potius de modo rei, quam re ipsâ est quaestio. 2. Accuratè loquendo potius mediocritas pro formâ virtutis assignanda, rectitudo rationis pro normâ,

ad

ad quam mediocritas formanda. *Mediocritas* enim largitur & esse virtutis, & distingui, & operari. *Esse*, quia observando actum aliquem, an virtuosus sit, nec re, statim attenditur, an medium prudentis rationis servet, ansecus? Si servet, virtutis actus dicitur: si non servet, sed recedat ab eo, statim vitium dicitur. Distingui, quia per hanc & ab omni vitio distinguitur: & ab affectu virtutis speciem habente, ut confidentia speciem fortitudinis habet, distinguitur autem ab eâ, quia non exactè medium servat, sed ad excessum audacia declinat. Operari, nam actus bonus, ut finem & modum agendi rectè observet, medium à ratione præscriptum observet oportet, & mediocritate observatâ actus boni habent, quòd sint boni. Rectitudo rationis propriè est norma, ad quam mediocritas conformatur. Sic cur actus est virtuosus? quia medium convenientia servat. Cur per tale medium sit virtuosus? Quia recta ratio & prudentia dictant, illud præcisè inter extrema, servandum esse, & si ad illa deflectatur, vitiosum actum esse. Hic rectitudo potius dirigens & norma est, quàm forma virtutis. Assistens forma virtutis rectitudo dici potest, non informans. Conf. t. 14. Ad oppositâ facilis est responsio. 1. *Mediocritas* recta rationis verè est prius quid, secundum nos ipsâ virtute, per quam hæc in esse suo constituitur. Ideò actus virtuosus est, quia ad medium iustæ rationis compositus est. 2. Hoc etiam sufficienter satiat intellectum, etsi rectitudo & recta ratio excludi nequeant, sed in totali mediocritatis conceptu & definitione involvantur. Ideò dicitur medium morale & rationis. t. 8. 3. *Mediocritas* nec mera negatio est. v. t. 9. nec ens respectivum, est enim intima quadam perfectio virtutis ex ratione constituta. Et si absolutum quid, in eadem cum virtute Categoria, etsi respectus aliquis ad rectam rationem adjacere possit, sed qui transcendentalis est, non prædicamentalis, adeoq;

ens verè relativū non facti. Sic virtutes leges respicere possunt, ut normas, manent tamē inia absoluta. 4. Virtutes Christianæ bonæ sunt, quod mediocritatem à lege divinâ præscriptam servant, V. t. 8. in quâ fundatur earum honestas, bonitas, dignitas, & præstantia Christiana, ut Deo sint placentes. Sic Ethicæ bonæ, quod mediocritatem rationis servant, per quam rectitudinem, bonitatem, & præstantiam moralem obsevant. 5. Esse vitiorum est extremitas, quæ per lapsum à normâ describitur, & dicitur illegalitas. 1. Joh. 3. In his quæ lege nituntur, lapsus à lege mentione legis describere iustitiam, est verè considerando ipsa illegalitas & inhonestas in extremitate deflectente consistat. 6. Virtus dicitur mediocritas improprie, cum paronymicè dicendum, est aliquid mediocritatem servans, vel in mediocritate consistens. Sic leo est rugibilis, non rugibilitas, Homo animatus, non anima. Plura in discursu.

13. Variatio mediocritatis moralis est, quod vel sit unæ formaliter & quæ essentiam, medium nempe iustæ rationis à prudente determinatum, hoc enim velut unus scopus est, ad quem omnia delineanda, cum modi aberrandi varietes sequantur; Et in hoc, velut firmo & invariabili esse habitus virtutis moralis constanter consistit: vel varia accidentaliter & quæ existentiam, quia modus agendi in habitu virtutis sæpè variatur secundum diversitates hominum & circumstantiarum, unde copia cibi pro hoc potest esse nimia, ut inde intemperans dicatur, pro illo moderata, ut temperans inde dicatur. V. t. 8.

14. Satis de mediocritate dictum: Vltimò in definitione dicitur, quod mediocritatem secundum rectam rationem ex iudicio prudentis determinatam servet. Hæc verba dicente & velut formâ externâ & assistente sumuntur, quæ hic recta ratio & prudentia. Mediocritas hic non rei, sed
rationis

rationis innuitur. V. t. 7. 8. *Quam voluntas per se servare nequit, ut quæ in magnâ circumstantiarum varietate ignorat, quid, quale, & quomodo sit eligendum, nisi à ratione prudenter id præscribatur. Hic recta ratio & prudentia est virtutibus omnibus assistens, & in observatione circumstantiarum, loci, temporis, personarum &c. dirigens. Vnde Aristot. addit, prout vir prudens eam definierit. Recta ratio & Prudentia imperans, præscribens, dirigens, moderans est: Virtutes cetera obediens, directæ, parentes, exequentes sunt politicè & analogicè, non heriliter aut serviliter. Norma præscriptionis est velut finis & intentio actionis, secundum quam media à prudentiâ diriguntur. Finis enim mediis ordinem, mensuram, & appetitum conciliat. Quidam negant talem dirigentem in virtute, quòd nec tales prudentes uspiam sint, quorum iudicio semper stari possit: nec si sint, dignosci semper aut consuli possint ab agentibus virtutem: & sæpè inter se dissentiant, sæpè vitium pro virtute apprehendant. Nec recta ratio uspiam detur, nisi in scripturâ: notitiæ naturales sint obscuræ, imperfectæ, cæcæ, à DEO aversæ, & per lapsum corruptissimæ, adeoq; virtutem accuratè informare tanquam normæ, non possint. Vnde legem Dei pro normâ virtutum constituunt. Amesius l. 2. med. c. 2. §. 14. 15. Wakeus p. 91. 92. Eth. D. Meiss. c. 1. q. 5. Danaus l. 1. Et: Chr. c. 20. De his quid habendum, ex parte ex d. 1. t. 28. patet. Hic breviter observat. I. In Ethicis non definitur, quid detur, sed quid dari possit & debeat. Ideas præscribit Ethica, non subiecta. Sic summam felicitatem moralem in perfectò exercitio omnium virtutum locat, etiamsi tale in nullo subiecto daretur. Posito, nullum talem prudentem dari, non sequitur, ratione talis iudicii non describendam virtutem. 2. Dantur prudentes, si non ab agentibus virtutem diversi, saltem in ipsis agentibus, quibus*

mens propria prudenter dictabit, quid agendum, quid omittendum. Et si non omnibus numeris hoc dictamen est perfectum, sufficit, si in tantum sit, quando nequit esse in totum. Ita & virtus erit pro ratione hujus vite. 3. Datur recta ratio & inscriptura, quatenus per hanc est rectificata, & superiori lumine illustrata: & extra eam, quæ fundamenta notitiæ practica in mente hominis adhuc resident, ex quibus mores extruuntur, non ut sunt coeca, obscura, imperfecta, falsa, sed quæ adhuc vera, suo modo gradus, clara, perfecta. Gradus sunt claritatis & perfectionis, non in omnibus equalis ratio. Notitiæ naturales sunt clara in foro civili & natura, misera in Spirituali & gratia ac gloria. Et Phil. practica extruitur ex principis naturalibus, non ut defectuosus, sed ut luminosus. V. Cor. Gym. Log. t. 27. Errores horum aut illorum Philosophorum non sunt imputanda notitiis per se veris, aut disciplinis inde extructis. Nec sunt ipsa præcisè disciplinarum præcepta, sed eorum corruptiones & accidentia. 4. Verbum Dei norma virtutum est eminens & perficiens, ut Christiana Deo, placentes fiant: Lex natura & notitiæ practica adequata norma virtutum, ut morales & Ethica absque sunt. Haec faciunt moratum & honestum civiliter: Ne etiam Christianum & Deo gratum spiritualiter. Virtutes Ethicae, ut sic, à Christiano & gentili abstrahunt, & in absolutâ honestate morali indifferenter spectantur. Quaecumque subjectum sit, in quo sunt, s. Christianus, s. gentilis. Liber conscientiae est adequata norma Phil. practica, ut liber naturæ Theoretica, & liber scripturae utriusque norma eminens & excellens est. Plura in discursu.

15. Fuit definitio virtutis: Sequuntur Causæ. Haec vel efficientes, quæ prima Deus, à quo omne bonum. Jac. I. v. 17. Unde Seneca ep. 41. Bonus vir sine Deo nemo est. Secunda, vel remota, ut natura, vel animi, in quo intellectus practi-

cus, notitijs naturalibus congenitis, non quâ actum, speciem, formalitatem, sed quâ vim, efficaciam agnoscendi, & criticam facultatem, instructus, ut alibi disputatur, deliberans, monens, ostendens: & voluntas eligens, & exequens: vel corporis, in quo bona indoles, temperamentum, unde semina virtutum quibusdam à naturâ connascuntur, qua fota & suscitata eximios fructus protrudere possunt: Conf. Senec. ep. 95. & qui horrida temperamēto præditi, etiam plerumq; horridis moribus sunt, quomodo natura quidâ servi nascuntur. Arist. 1. Pol. c. 3. Conf. d. 2. l. 12. Vel propinqua, ut cura, institutio per præcepta, exempla, præmiorum & pœnarû assignationem: Vel proxima, ut actio humana, moralis bona, præcedens habitû, valida & continuata, mediocritati studens, qua est causa proxima habitus virtuosus in subiecto. Conf. d. 2. l. 3. Vel formales, qua propriè hic nulla: cum, ut accidens, per se ipsa forma sit: Analogicè mediocritas forma virtutis materna dicitur t. 8. 12. recta ratio ac prudentia externa & assistens, t. 14. Vel finales, ut Dei gloria & honestas bonitasq; moralis propria, ut boni & simus & denominemur: Vel materiales, qua hic propriè etiam nulla. Per analogiam materia virtutis subiectum dicitur, in quo virtus collocatur, & objectum, circa quod occupatur.

16. Subiectum virtutis est vel inhætionis, cui virtus moralis inhaeret, vel occupationis, circa quod regendum virtus occupatur. Inhætionis est vel ultimum & denominationis, quod à virtute virtuosum & honestum denominatur, estq; totum compositum sive homo utriusq; sexus, & masculini, qui principale virtutis subiectum, ob maiorem animi sagacitatem & constantiam, ac caloris copiam, & membrorum promptitudinem est. Vnde Poëta: fortius ingenium suspicor esse Viris: & feminini, qui secundum subiectum est, in quo virtutum exempla interdum luxerunt, qua apud Lipsium 2. Polit. c. 3. Apolephtem p. 2. erquitst p. 199. seq. Heiderum

c. 2. Polit. p. 146. Plutarchum. d. virt. mul. Bocatium & Joh. Jacobum Bergomensem de claris mulierib. aliosq. videas: vel intermedium & informationis, quod est facultas aliqua hominis per se & directe à virtute, ut adjuncto suo informanda. Hoc est & principale, quod est voluntas, quæ tanquam proximū principiū movendi & rectè agendi virtute, tanquam habitu morali, principaliter perficitur: Hac enim maximè est libera, proæretica, indifferens ad bonè malèq. agendum, eoz. aptissimè ab habitu superveniente determinari potest, & sic in illā ponitur finis, quod per rationem ad bonum determinari possit, unde & media in illā ponenda, quæ sunt virtutes: Et secundariū, quod secundario virtute perficitur, quatenus voluntatis imperio obædit. Hoc est appetitus sensitivus, quatenus rationale participat, & imperio rationis subesse potest. Sic enim & hic producit rect. actionem, ut temperantiam, fortitudinem, quæ non nisi à virtutis habitu esse potest. Et sic, quia effectus capax est, & cause capacem esse oportet. Ita virtus inæqualiter est & in appetitu intellectivo, primò & directe: & sensitivo secundò & consequenter, quæ eò velut per diffusionem extenditur, ut & eandem materiam, & idem nomen retineat. Sic prudentia est in intellectu, secundò tamen & ad voluntatem extenditur, quæ norma & dirigens ejus in servando medio est. Objectum virtutis sive subiectum occupationis, circa quod regendum illa occupatur, est partim internum, ut affectus humani, qui sunt naturales animi motus per se à bono aut malo morali indifferentes, per virtutes, seu funes & nervos ad medium, & sic bonum morale revocantur: Eos fabulâ Bacchi veteres mythologicè notârunt, Vi pulchrè ostendit Baconus d. sap. Veter: c. 24. & affectuum comites, voluptas & dolor, ut & in his medium servetur: partim externum, quod objecta virtutum sunt, circa quæ

qua illa versantur, ut circa terribilia fortitudo, opes liberalitas, sermonem veracitas & urbanitas, honorem modestia, &c. Hac quia à virtutibus etiam reguntur, & ad medium revocantur, rectè inter subjecta occupationis virtutis recensentur. Et rectè Epictetus serm. 1. sent. 77. Si bonus esse volueris, primum credito, te malum esse. Castigato affectus, ne ipsis des poenas.

17. *Ita* Causæ, subjecta, & objecta virtutis visa: sequuntur divisiones. 1. Virtus est vel intellectualis, vel moralis. Intellectualis est habitus intellectum perficiens, in veri enunciatione. Hac directâ tractatione ad finem Ethices non pertinet, nec est virtus moralis, non enim principaliter ad bonum morale ordinatur, sed ad verum enunciandum. Referenda autem est vel ad metaphysicam de qualitate, vel hexilogiam de habituum naturâ: Indirectè hic tractari potest, quâ recta ratio est norma & dirigens virtutum moralium, Et sine quâ nulla virtus propriè dicta unquam reperiatur. Adducitur hic, ut amplitudo vocis virtutis in significatis suis eò plenius pateat. Extenditur enim & ad intellectuales habitus, V. t. 2. Prudentia tamen hic specialiter etiam tractari potest, quia praeceptum proximumque dirigens virtutum moralium est, & certo modo ipsa moralis virtus dici potest. Moralis virtus est habitus appetitum perficiens in boni moralis electione & operatione. De hac t. 4. 5. seq. actum. 2. Virtus moralis est vel dirigens vel directâ. Dirigens, quæ proximè & immediatè omnes virtutes morales dirigit, ut medium & circumstantias prudenter observent, nec ad extrema desectant. Estque prudentia. Vbi nota 1. Divisionem hanc esse analogam, & virtutes directas dici per prius & posteriori modo morales, dirigentem per posterius & secundario modo. 2. Prudentiam moralem dici, quâ versatur circa τὰ πρᾶκτὰ, & ordinatur ad bo-

num. Tota n. in directione morū occupatur: nec honestum extendit sub veri tantum ratione, ut illud cognoscat, sed & sub boni, ut illud per virtutes moraliter agere faciat. Ita ratione objecti, circa quod versatur, & finis, quem intendis & introducit, honesti actionis, recte moralis dicitur. Et si in seipsa morum non sit elicitiva, est tamen eorum directiva, ut Lessius l. i. de justit. & jur. c. 1. §. 2. loquitur. Eadem intellectualis dicitur, quā in intellectu practico est. Extenditur tamen simul ad voluntatem regendo illam. v. t. 16. & sic inter morales refertur. Est velut virtus mista, ad utramq; facultatem perti- nens, ut sentit D. Meisn. p. 3. P. S. l. i. c. 7. q. 1. §. 6. Hac facit, ut simus Promethei, non Epimethei: & presentia cerna- mus, praterita repetamus, futura praevideamus. Multa de illā dicenda essent, quae ob prolixitatem aliō amandanda. Qua- dam ap. Keckerm. d. 2. Eth. Alsted. c. 5. Eth. Lessium c. l. c. 1. 2. videas. Directa est, quae secundum prudentiae dicta- men mores componit, & actus virtuosos exercet. 3. Virtus di- recta est vel universalis, vel particularis. Universalis, quae obligat ad obēdientiam omnium legum, & exercitium omnium virtutum, ut justitia universalis. De hac d. 4. agetur, ubi & de legibus simul, quantum ad Ethicam opus, tractabitur. Par- ticularis est, quae occupatur circa particulare objectum. Hac vel est primaria, vel secundaria. Primaria, quae verē propriē- que est habitus, & complementum est nata. Hac spectatur, vel in gradu usitato, quomodo communiter in homine reperi- tur, & virtus absolute dicitur. Ita respicit vel ipsum possiden- tem, ut ipse honestus efficiatur, idq; vel moderando voluptates corporis, ut temperantia: vel formidabilia, ut fortitudo, de quib. d. 5. tractabit: Vel alios a possidente, circa quos honestē se gerat. Idq; vel in reb⁹ externis, Et vel in sumptibus, circa quos sufficientia, parsimonia, liberalitas, & magnificentia ver-
san-

sanctur: vel in honoribus, circa quos modestia & magnanimitas occupatur, de quib. d. 6. Vel In cōversatione, ubi est regenda est familiaritas, circa quam versantur virtutes homileticæ, ut humanitas, sub quâ continetur civilitas: Urbanitas, veracitas, & cōcordia: de quib. d. 7. Aut actio cum aliis, quomodo vel iracunda motio regenda, quod facit mansuetudo: vel distributio & cōmutatio rerum, ut illa justè administretur, quam moderatur justitia particularis, de quib. d. 8. Vel spectatur virtus primaria in gradu inusitato, quomodo singulariter in quibusdam reperitur, ubi cum addito Virtus heroica dicitur, de quâ d. 9. Virtus secundaria est, quæ potius dispositio & gradus ad virtutem est, nondum vera virtus, ut verecundia, misericordia, continentia, tolerantia, & obædientia, de quibus etiam d. 9. agetur. Deniq; virtus spectatur, ut est in usu & fructu quorundam exercentium eam, qui usus dicitur amicitia de quâ d. 10. tractabit. Ita ad delineatam methodum universa Ethica per decadem hanc decurreretur.

18. 4. Ex gradib; virtus vel est ordinaria, quæ communiter in subjectis reperitur, vel extraordinaria, quæ singulariter in quibusdam eminet. Dicitur etiam virtus excellens, eminens, heroica. Queritur hic, an virtus admittat gradus? de eo, ut & virtute heroicâ d. 9. agemus. 5. Ex subjectis virtus vel est Christiana, quæ in Christiano est, vel non Christiana, quæ in alio subjecto, quàm Christiano. Hæc vel gentilis, sub quo Turca comprehendipotest, vel Judæ esse potest. Quomodo differant virtutes Christianorum & gentilium queritur? an specie, an gradu? & an gentilium, virtutes Deo placuerint? Posterius videtur probabilius, & formâ assistente differunt, quæ in Christiano fides, in gentili honestas moralis, non informante, quæ in utroq; mediocritas rectæ rationis fuit. Et placuerunt virtutes gentilium Deo generaliter & legali-

ter, non specialiter & Evangelicè: quia fide caruerunt, sine quâ Deo nihil specialiter placet. Heb. 11. v. 6. Plura aliàs de hoc. Ex subjectis virtus etiam viri vel fœminæ dici potest. Viri, quæ in sexu virili, fœminæ, quæ in fœmineo reperitur. In hac virtutes interdum luxisse th. 16. dictum.

18. Ita & divisiones virtutis fuerunt: Sequuntur affectiones, Quæ sunt perfectiones & habitudines aliquæ naturam virtutis consequentes, & à posteriori explicantes. Possuntq; vel attributa vel effecta esse. Attributa sunt sinceritas, constantia, connexio, & difficultas. Sinceritas est, quâ virtus sine simulatione & hypocrisi expeditur. De hac dicitur, quod virtuosus cor in linguâ gerat, nec aliud agit, aliud simulet. Ejus oppositum est dolus, simulatio & hypocrisis. Quæ prohibentur Psal. 12. v. 3. 4. Psal. 54. v. 24. Prov. 11. v. 9. Matt. 6. v. 1. 2. c. 7. v. 4. 5. De illâ dici solet: Intus Nero, foris Cato. Item pauperes sine defectu, religiosi sine affectu, devoti sine voto, liberales sine dono. Ejus hieroglyphicum est Bel apud Babylonios, extus as, intus lutum. Constantia est, quâ virtus in asperis ac prosperis perdurat, facitq; ut à contrario non moveamur, & à nullo è mediocritate demoveamur. De eâ V. Horatium l. 3. od. 3. Ciceron. l. 1. offic. §. 25. Lipsium. l. 1. Const. c. 5. & l. 1. mon. Polit. c. 7. Vbi exempla suppeditat. De hac dicitur: Aut ne incipe, aut perfice. Pleraq; res hoc ipso non bene fiunt, quod non integrè fiunt. Virtutis est, evitatus fastidijs inchoatum opus pertere. Conf. Drexel. l. 1. Tris. Chr. c. 5. & 7. Ejus oppositum est vacillatio & inconstantia, quæ prohibetur Ephes. 4. v. 14. Hebr. 13. v. 9. De quâ dicitur: Proteo & Chamaleonte mutabilior. Ejus hieroglyphicum est cancer, ante & retrò gradiens. Connexio est, quâ virtutes inter se sunt junctæ, ut altera alteram juvet & promoveat. Non accipe connexionem ratione essentia, quasi una sit
de

de essentiâ alterius: vel causa, quasi una necessario pendent ab alterâ, velut causâ procreante: vel ratione cuiusvis subjecti, quasi in quocumq; subjecto omnes iunctæ essent: sed partim ratione primi authoris, Dei, & voluntatis moralis, v. t. 15. Vnde omnes proveniunt: partim ratione finis & intentionis, honestatis moralis, quam omnes introductam cupiunt: partim ratione auxiliaris opera, quam mutuò sibi præstant, cum & una ad actum alterius disponit, & eandem confirmat ac tuetur: partim ratione subjecti perfecti & completi, ubi virtus in ideâ est, de quo valet illud: Virtus est una copulativa, i. e. ubi est una, ibi sunt omnes. In incompleto, ubi virtus imperfecta & in imagine est, una solitaria esse potest: partim ratione communium attributorum, quæ omnibus conveniunt: ut sinceritatis, constantia, honestatis, difficultatis. In specialibus attributis segregari possunt. De hac connexionione dici solet: Natura naturam juvat, & natura naturam perficit: Virtus est una copulativa: Aut totum, aut nihil. Hieroglyphicum ejus est catena. Difficultas est, quâ arduum & operosum est virtutis iter, & variis molestiis superandum. Vnde dicitur, Per aspera ad ardua. Nihil sine labore. Et Virgilius: Semita virtutis dextrum petit ardua collem, difficilemq; aditum primum spectantibus offert. Aristot. 2. Nicom. c. 9. operosum ait, esse probum. Medium enim in unoquoq; capere arduum. Hieroglyphicum ejus est Helicon, Musarum & Apollinis in Boeothia sedes, mons arduus. Amelius l. 2. medul. c. 2. t. 24. quatuor cardinales virtutes, justitiâ universalem, prudentiam, fortitudinem, & temperantiâ affectiones communes virtutis facit. Sed quadam harum principia dirigentia virtutis sunt, ut prudentia, & ex parte justitiâ universalis: quadam ipsæ virtutes sunt, ut temperantia & fortitudo, ut ipse non diffinetur t. 34. non consequentia quadam ex naturâ virtutis, quod affe-

Etionum proprium esse solet. Effecta virtutis sunt omnes actus virtuosus, à virtute velut habitu profecti: felicitas item civilis virtutem, ut consequens aliquod, sequens, & ab eâ productum: probitas etiam & honestas, quam subjectis conciliat, & quæ ab ipsâ proba & honesta dicuntur: laus, fama & gloria, quæ comitatur virtuosos, velut umbra corpus: Vnde Poëta: Quæ dea? virtutis sum filia, gloria: Qui grex? Illa petitores, improba turba, proci. de hac V. Serarium. in c. 6. Jos. q. 60. Conf. Ciceron. or. pr. Archia. Camerar. C. 1. c. 4. C. 2. c. 56. Senecam. ep. 79. Dei assimilatio, quâ Deo similes per virtutem reddimur. Deus enim summè probus. Conf. Senec. ep. 41. 92. 95. Vnde ille rogatus, quid maximè Dîs assimilaret? multa scire respondit, & benè agere, &c.

20. *Hactenus absolutè virtus considerata: Respectivè cum cognatis & oppositis spectetur. Cognata virtutis moralis sunt omnes virtutes intellectuales de quib. t. 17. Virtutes item divina & angelica, quæ eminentius quid virtutib. moralibus humanis, de quo aliquid d. 2. t. 5. adductum. Opposita ejus sunt secundaria & primaria. Secundarium oppositum virtutis est incontinentia, quâ quis affectibus movetur ad malum, etsi pœnitudo & dolor subsequatur. Vt cum quis nimium voluptati indulget, sed affectu præventus, postea non placitū est agere, & cupiditate expletâ dolor de actione succedit. De hac d. 9. dicitur aliquid. Et virtutis abusus, cum actus perversus ab habitu bono producitur, quo habitus natura exertitur & labefactatur. Quomodo virtutib. malè quandoq. per accidens nos uti posse concedunt Authores, V. J. Mart. C. 3. d. 7. q. 9. Cum aliàs per se rectè virtute aliquem malè uti posse negetur. Conf. Aristot. l. 2. ma. Mor. c. 7. l. 1. Rhetor. c. 9. Timpler. l. 5. Eth. c. 5. q. 5. agitur. Primariū est vitium morale, de quo jam aliquid addendum. Vitium à vitando dicitur, quod vita-*

si debeat. Sumiturq; interdum pro maculâ corporis, quomodo verrucam vitium faciei, & domum vitium facere dicimus, cum ad ruinam inclinât: interdum pro maculâ animi, ut hoc loco, unde actus malus consequenter vitium dicitur, quia ab vitio interno animi prodit. Dicitur etiam malum, ratione defectus & inconvenientie ad legem & rectam rationem, quod & potentialiter, & actualiter & habitualiter interdum sumitur: Culpa ratione reatus in principio committente: peccatum, ratione subjecti intelligentis: pravaricatio ratione legis prohibentis: macula, delictum, pravam, labe, erratum, facinus, scelus, &c. Inter quædam quomodo nonnulli distinguant, V. ap. D. Meish. p. 3. P. S. f. l. c. 4. q. 1. Popman d. diff. verb. p. 115. Definiri potest habitus electivus, prava à mediocritate vel excessu vel defectu recedentia assumens. Dicitur habitus non strictè, quasi esset vera & positiva qualitas in subjecto, cum formaliter omnis vitiositas sit privatio, non positio: & quod positivum in malo morale est, materiale in eo est, & commune habitui bono & malo, non formale, & solius malitia proprium: Esset enim istud positivum aut à Deo, & sic Deus prima causa mali statueretur, quod absurdum: aut à Diabolo & homine, sic Creatura ens positivum & reale producere vel introducere (perinde hic est, quomodo dicas, nec satisfacit curiosè quæsitum discrimen,) posset sine concursu causa prima, & sic independentè ageret, quod etiam absurdum, ut in Metaphysicis contra Cajetanum, Medinam, Victoriam, Canum, Vasquium, aliosq; uberius disputatur, & ego peculiariter aliquando evincam, cum occasio tulerit: Sed analogicè, quia instar habitus per crebros actus vitium morale acquiritur: difficulter è subjecto, in quo radicatum est, amovetur: operationis inclinationem & facilitatem agentis conciliat: delectationem insequentem instar habi-

ius virtuosus comitem habet, & Ethico considerandi modo materiale s. Subjectum in malo, cum formali, ipsa privatione mali, simul complicatur, & complicatè pro uno sumitur. Vnde habitus malus, actus malus, voluntas mala dicitur, non solum habitus, actus, aut voluntatis malitia. Quomodo & in Theologicis ista complicari solent, unde mala agere, patrare, facere dicimur, ut ostendi dec. 2. d. 3. t. 15. Habitus electivus, ut notetur, vitium morale esse voluntarium, ut culpa rigide dicta intrinsecè sit libera & nostri arbitrij, ut ex pœnarum inflictione & injuriâ, qua culpis moralibus inest, & oppositis actionibus necessarijs, qua pœnas nec merentur, nec accipiunt, patet. Involuntarijs enim pœna non infligitur, sed voluntarijs. Vnde rectè dicitur: In crimine non tam rei effectus, quàm peccantis affectus spectandus est. In Theologicis peccata quædam dicuntur involuntaria, & tamen vere propriè sunt peccata, ut contra Papistas pluribus disceptari solet. V. D. Meisner. c. l. q. 2. Sed hic in foro civili & morali versamur, non spiritali.

21. Divisio vitij moralis varia est. I. Vitium est vel omissionis vel commissionis. Omissionis, quod in omissione legis & præcepti consistit, & opponitur præcepto affirmativo. Ut sanctificabis sabbathum, Deum coles, parentes honorabis. Si quis ea non faciat, peccat peccato omissionis. Sic si miles excubare & pugnare jussus virumq. omitat. Commissionis, quod in Commissione à lege prohibiti consistit, & opponitur præcepto negativo. Ut, non furaberis, occides, machaberis: si quis contra illa agat, peccatum commissionis committet. Commissionis vel est intrinsecè tale, quod simpliciter legi naturæ & recte rationi adversatur, ut furari, machari: vel extrinsecè, quod ob certam legem positam est malum, etsi in sua naturâ sit moraliter indifferens quid. Tale quid in

*V. T. erat comedere carnem suillam, leporinam, cadauero-
 sam, ob legem vetantem, Lev. 11. v. 6. 7. 40. Multa de vitio omissionis &
 commissionis & facundè disceptari possent, veluti: Qualis illa sit divi-
 sio in malum omissionis & commissionis? Quomodo membra ejus diffe-
 rant? An peccatum in universum sumptum exhauriant? An salvâ priva-
 tione cujusvis peccati rectè aliud commissionis dici queat, & omissionis
 contradistingui? An peccatum omissionis queat sine ullo actu esse? An
 actus omissioni culpabili conjunctus sit peccatum? An actus, qui est cau-
 sa omissionis, sit peccatum distinctum ab ipso omissionis peccato? An o-
 missionem peccetur, cum causa futura omissionis datur, an cum reipsâ o-
 mittitur actus preceptus? Hæc & similia brevitatè gratiâ sunt omitten-
 da. Videantur de illis Becanus p. 2. T. 1. Th. Sch. tr. 2. c. 3. Valentia
 T. 2. d. 6. q. 1. p. 4. 5. Scharpius T. 1. Curs. Theol. c. 16. alij.*

22. 2. Vitium vel est generale, quod omni virtuti in universum
 opponitur, omnemq; tollit, ut feritas vel bestialitas morum, qualis in bar-
 baris quibusdâ & ab omni cultu humano alienus est: vel speciale, quod
 determinate virtuti opponitur. Ut avaritia, luxuria, injustitia, audacia, &c.
 Hoc duplex est, vel excessus, quando plus, quàm par est, à medio recedi-
 tur: vel defectus, cum minus, quàm par est, medium servatur. Unde que-
 vis virtus duplex sibi oppositum vitium habet, vel per nimium & excessu-
 vè, vel per minimū, & defectivè, etsi utrumq; non semper speciali & usi-
 tato nomine appellare possimus, ut th. 10. notatū. Vbi erit duplex vitium
 non resemper & actione diversâ, sed ratione saltē, ut una quâ rem &
 essentiâ actio vitiosa maneat, Vt in injustitiâ apparet, ubi & excessus est
 ratione sumentis, & defectus ratione patientis. Cur autem uni virtuti
 duplex opponatur vitium, cum tamē honestas ac bonitas virtutis uni-
 ta sit, causa est, quia ista bonitas virtutis duplici debito morali præstando
 substat: uno, quo tenetur benè agere: altero, quo tenetur non plus aut mi-
 nus agere, quàm per prudentiâ moralem præscribitur. Ex isto debito est
 duplex vitiositas virtuti opposita: Vna, cum agere satis rectè omittitur,
 quod vitium in defectu importat: altera cum plus agitur, quàm satis rectū
 sit, quod vitium in excessu facit. 3. Vitium est vel primariū, quod consultò
 & plenariâ voluntate fit, ut cum dolo & culpâ rigidâ aliquid patrat,ur,
 quæ lata, levis, levisima Ictis dicitur: Vel secundariū, quod inconsul-
 to & non plenâ voluntate patrat,ur. Vt quod fortuito fit, veluti si quis li-
 gna cadere volens hominem jugulet. Deut. 19. v. 5. 6. Quod sine proposito
 nocendi fit, veluti si quis ignem ad necessitatem in agro struat, & ventus ignem la-
 tius

tius ad incendium segetum & arborum conijciat: Quod ex affectu vehementiore & homine digno sit, Veluti cum Moses tabulas ipsius Dei ex zelo erga religionē Dei & apostatarum idololatriam confregit. Exod. 32. v. 19. Si affectus sit homine indignus, non inueniet excusationē. Vt si quis invidia, odio, ebrietate studio accersit, iracundiā sponte assuefactā, aut simili impetu habituali aliquid committat.

23. Affectiones vitij morales etiam variæ esse possunt, & bonam partem ex affectionibus virtutis liquent. Eæ sunt turpitudine infamia, & inhonestas, quæ subjectis suis conciliat. Imparitas, quæ vitium aliud alio vitio morali grauius & leuius est, ut partim ex scripturā, Mat. 11. v. 21. Joh. 19. v. 11. I. Joh. 5. v. 16. 17. partim ex naturā & ratione patet: Nam bonitas virtutis vitio oppositæ in unā virtute ratione gradus, obiectorum, circumstantiarum, & similium requisitorum maior est, quàm in aliā, E, & vitia istam bonitatem tollentia in suā vitiositate erunt grauiora alijs. Sic grauius est vitium adulterium scortatione, grauius homicidium furto, leuius, timiditas iniustitiā, Secus acenserunt Stoici ap. Ciceron. 3. paradox. Jovinianus ap. Augustin. 1. d. hæc. c. 82. qui omnia vitia paria dixerunt. De quorum rationib. in discursu videbimus. Oppositionis varietas, quæ variè & virtuti, & vitij alijs opponi potest. Virtuti opponitur & privatiuè & contrariè. Privatiuè ratione formalitatis in vitio, quæ privatio per th. 20. Contrariè ratione materialitatis, quæ est qualitas & habitus analogicus malignitatem habens, & principium oppositorum virtuti actuum existens. Sic in illis, quæ mixtam velut ex positivo & privatio obtinent naturam, idem alio respectu & contrariè & privatiuè opponitur. Contrarietatis fundamentum est positivum illud, quod in mixto includitur: Privationis privativum, quod simul concurrit. Sic claudicatio privatiuè ad rectum incesum se habet, quæ rectitudinem in incesu tollit: Contrariè, quæ incesum includit, ut incesus rectus & distortus velut contrariæ species motus animalis sint. Vitiis inter se vitium opponi potest & absolute & comparate. Absolute ratione mutue distantia & dissimilitudinis inter se. Hoc modo vitium magis est oppositum vitio extremo, quàm mediæ virtuti, quia partim magis distat ab extremo, quàm medio, quomodo punctum inchoans & terminans plus distat in lineā, quàm inchoans, & continuans: & 3. & 9. plus distat in extremis, quàm in medio. 6. partim magis dissimile & aduersum est alteri vitio, quàm medio: sic avaritia magis aduersatur prodigalitati, quàm liberalitati, adeoq. illius naturam magis tollit & destruit, quàm hujus. Interim ratione bonitatis & malitiæ, honestatis & privitatis, perfectionis & destructionis morales, plus opponitur vitium virtuti, quàm alteri vitio: quomodo & extremum magis ratione virtutis, quàm alterius extremi dicitur. Conf. Bachman. C. 1. q. 54. Gutkium d. 4. Eth. q. 4. Comparatè ratione majoris accessus ad medium, vel recessus à medio. Extrema inæqualiter opponuntur medio, ut interdum magis defectus repugnet virtuti, interdum excessus. Sic à fortitudine magis distat timiditas, quàm audacia: à temperantiā magis a bit intemperantia & voluptas in excessu, quàm anæsthesia & stupor in defectu. Nam ut virtus medium rationis erat, quod magis minusq. se ratione circumstantiarum habere poterat, v. t. 7. 8. Ita vitium est extremum etiam latitudinis alicujus, quod interdum magis, interdum minus à medio abesse potest. Et hæc de virtute & vitio in genere per theses dicta sufficiant.

itū
ere
and
re.
ti-
tor
are,
o
tip-
r li
pe-
r

